

# MAAIH LEIZ BEU ZE'BUONC BUN DIEZ MAAC

Sou-guv njiaaux huov jaa hiuv  
taux Early Start

Duqv ceu siang 2025



## DOUC WAAC-FIENX TONG ZUANGX

Maaiah leiz beu ze'buonc bun diez maac: Naaiv norm California Domh Gorn Ceix Gong-bou-Jauv-louc Liouh Tengx Waaic Fangx Hlo Hlang Donc Nyei Mienh (jiex mingh cuotv mbuox heuc 'Domh Gorn') duqv zipv yiem California Goux Hoqc Sou-nzangc Nyei Domh Gorn aengx caux WestEd, duqv liepc ziangx benx zoux gong ziouv, duqv mbenc ceix cuotv naaiv buonv sou-guv njiaaux huov jaa hiuv taux Early Start.

Haax zanc yaac longx se gorngv meih qiemx zuqc aamx cuotv dorh mingh siou a'fai zunh tong bun doic nor oix zuqc gorngv taux naaiv buonv sou se yiem naaiv norm Domh Gorn Ceix Gong-bou-Jauv-louc Liouh Tengx Waaic Fangx Hlo Hlang Donc Nyei Mienh ceix cuotv daaih.

## DOUC WAAC-FIENX MBUOX GORNGV OIX MAAIZ

Da'faanh meih qiemx zuqc longc cam-buonv sou-guv jaa, bieqc lorqc mangc yiem naaiv norm Early Start Neighborhood website yiem lorqc njiec [earlystartneighborhood.org](http://earlystartneighborhood.org).

Da'faanh meih qiemx zuqc hoqc hiuv tipv taux naaiv norm California Early Start corc haih:

- Mborqv finx heuc: 800-515-BABY (800-515-2229),
- Bieqc mangc website yiem lorqc njiec [www.dds.ca.gov/services/early-start](http://www.dds.ca.gov/services/early-start)
- Funcx e-mail bun taux [earlystart@dds.ca.gov](mailto:earlystart@dds.ca.gov)

©2025 Domh Gorn Ceix Gong-bou-Jauv-louc Liouh Tengx Waaic Fangx Hlo Hlang Donc Nyei Mienh

# BUN-MENGGH CAEQV

DOUC WAAC-FIENX TONG ZUANGX .....	1
DOUC WAAC-FIENX MBUOX GORNGV OIX MAAIZ .....	1
BANGC EI LO-SOU-GUV.....	3
MBUOZ HEUC .....	3
<b>DA' 1 KANG: MBUOX BUN HIUV NDAANGC .....</b>	<b>4</b>
<b>DA' 2 KANG: BUN HIUV TAUX LAENGZ NQOI NZUIH BUN NYEI WAAC .....</b>	<b>5</b>
<b>DA' 3 KANG: BIEQC LORZ LONGC DUQV ZAAIC &amp; GEM MBUEIX WAAC-FIENX YIEM SOU-GORN .....</b>	<b>7</b>
<b>DA' 4 KANG: HLAUX NDORQC &amp; DIMV MANGC.....</b>	<b>8</b>
<b>DA' 5 KANG: MBENC GONG LIOUH GOUX NDOQC NORM HUOV JAA .....</b>	<b>11</b>
<b>DA' 6 KANG: CA'LAANGH LORZ JAUV CAEQV NZAANX SIC, LONGC BAENGH FIM LEIZ DUNX SIC, AENGX CAUX SAENGV ZANGC GOX SIC GUAIX TAUX.....</b>	<b>13</b>
<b>DA' 7 KANG: CA'LAANGH LORZ JAUV CAEQV NZAANX SIC .....</b>	<b>14</b>
<b>DA' 8 KANG: LONGC BAENGH FIM LEIZ DUNX SIC .....</b>	<b>15</b>
<b>DA' 9 KANG: SAENGV ZANGC GOX SIC GUAIX TAUX.....</b>	<b>17</b>
<b>DA' 10 KANG: GAPV ZUNV WAAC .....</b>	<b>20</b>



## BANGC EI LO-SOU-GUV

Naaiv zeiv sou oix zuqc bangc ei yiem ga'ndiev deix domh doz-leiz aengx caux leic nyeic waac:

- 34 CFR se zeiz Guoqv Zangc Hungh Jaa nyei Domh Doz-leiz Maac Lorqc Njiec 34 wov ginc leiz.
- GC se zeiz Saengv Zangc Hungh Jaa nyei Domh Doz-leiz Maac liouh gunv taux Early Start.
- CCR se zeiz California nyei Domh Doz-leiz Maac.

## MBUOZ HEUC

Haih buatc maaih ziex norm gorn zangc nyei mbuoz hietv yiem naaiv buonv sou aengx caux buatc benx ndoqc nqanx mbuoz liouh hung hieic jangx:

- Domh Gorn Ceix Gong-bou-Jauv-louc Liouh Tengx Waaic Fangx Hlo Hlang Donc Nyei Mienh – DDS – buatc hietv yiem naaiv buonv sou heuc ndoqc nqanx mbuoz gongv 'Domh Gorn'.
- California goux Hoqc Sou-Nzangc Domh Gorn – CDE
- Zoux Gong Gorn Zangc Goux Hoqc Sou-nzangc yiem Deic Jei – LEA
  - Ninh corc maaih horqc dorngh yiem deic jei, mungv, Nquenc Zangc Zoux Gong Weic Goux Hoqc Sou-nzangc
- Deic Jei Mbenc Maaih Gorqv-zeic Hoqc Sou-nzangc Jauv-louc Yiem Buonh Deic – SELPA
- Early Start kou-gong gorn – Yiem deic jei nyei domh gorn caux/fai zoux gong nyei gorn zangc goux hoqc sou-nzangc yiem buonh deic (LEA) liouh jaa-nziouv liepc gong-bou jauv-louc tengx daaih bun taux mienh maanh.

Da'faanh meih maaih waac qiemx zuqc naaic taux maaih leiz beu ze'buonc bun diez maac yiem njiec Early Start kou-gong gorn, corc haih mborqv finx heuc taux Early Start kou-gong gorn yiem buonh deic a'fai naaic yiem naaiv norm Early Start Baby Line yiem lorqc njiec 800-515-2229 a'fai fungx email bun taux [earlystart@dds.ca.gov](mailto:earlystart@dds.ca.gov).

# DA' 1 KANG: MBUOX BUN HIUV NDAANGC

**Early Start** se benx yietc norm kou-gong gorn yiem njiec California liouh tengx taux gu'nguaaz-waaic fangx (yiem cuotv seiz daaih mingh taux 3 hnyiangx) aengx caux tengx ninh mbuo nyei huov jaa. Naaiv norm kou-gong gorn se duqv tengx gong-bou jauv-louc goux yiem biauuv a'fai langx zangc jaai-horngc nyei zoux gong dorngx aengx caux tengx njiaaux huov jaa mangc taux hhangv haaix ziux goux mangc fu'jueiv hlo hlang nyei jauv-louc. Naaiv norm kou-gong gorn corc zuqc zoux ei nzoih guoqv zangc hunggh jaa doz-leiz aengx caux saengv zangc hunggh jaa doz-leiz bun fu'jueiv duqv zipv gaux nzoih zunh. Ninh mbuo benx diez maac nyei mienh, corc maaih gorqv-zeic leiz beu aengx caux gunv taux gorngv ninh mbuo nyei fu'jueiv duqv zipv gaux ei nzoih qiex longc nyei jauv-louc. Naaiv norm kou-gong gorn corc oix zuqc longc hnyiouuv muangx huov jaa maaih dorngx kuonx hnyiouuv nyei jauv-louc aengx caux horpc zuqc tengx nzoih gong-bou jauv-louc bun nzoih yietv zungv hmuangv doic. Naaiv buonv sou duqv porv menggh bun hiuv taux maaih leiz beu ze'buonc bun meih aengx caux naaiv norm kou-gong gorn gunv goux nyei jauv-louc. Naaiv jjioux waac gorngv taux "Diez maac" corc haih gorngv benx cam-nyungc jauv-louc mv doix doic, ninh a'zuqc ziux sic samx sic heuc.

## Ninh mbuo dorv haaix laanh mienh funx benx "Diez Maac" yiem njiec Early Start?

[34 CFR 303.27]

1. Zienx zeiz gu'nguaaz nyei **diez-maac goux mangc beih zangc a'fai diez-maac-hlorpv**.
2. **Goux mangc nyei diez maac**
3. **Goux mangc nyei mienh:** Ninh mbuo porv leiz ciangv duqv dingc bun naaiv laanh mienh maaih leiz goux mangc meih nyei gu'nguaaz aengx caux maaih leiz bun njiec lingc dunx taux goux baengc zingh jauv-louc, hoqc sou-nzangc, aengx caux hlo hlang nyei sic.
4. **Maaih leiz bun naaiv laanh mienh tengx zoux diez maac goux mangc beih zangc a'fai benx diez-maac-hlorpv:** Ninh mbuo gong guz, diez-maac-hlorpv, a'fai ga'hlen huov jaa mienh dunggh naaiv laanh gu'nguaaz caux yiem a'fai goux mangc naaiv laanh gu'nguaaz nyei mienh haaix deix yaac duqv oc.
5. **Tengx zoux diez maac goux mangc:** Beiv hhangv haaix zanc buate gu'nguaaz mv maaih diez maac goux mangc nyei ziangh hoc, ninh mbuo horpc zuqc ei doz-leiz dunx lorz naaiv laanh mienh benx diez maac daaih goux mangc gu'nguaaz. Naaiv laanh mienh a'zuqc hiuv taux fu'jueiv qiex longc haaix nyungc gong-bou jauv-louc tengx aengx caux mv dungx guaih ziux ga'ganh nyei hnyiouuv ngaengc waac caengz zuqc ga'hlen mienh. [34 CFR 303.422; 17 CCR Section 52175]

## DA' 2 KANG: BUN HIUV TAUX LAENGZ NQOI NZUIH BUN NYEI WAAC

Meih a'zuqc laengz nqoi nzuih bun aengx caux bieqc nzoih mbuoz yiem naaiv zeiv sou ndaangc dorh meih nyei fu'jueiv mingh bun Early Start dimv ndorqc a'fai tengx gong-bou jauv-louc. Ninh mbuo kou-gong gorn corc a'zuqc duqv zipv meih nyei nqoi nzuih bun nyei waac ndaangc liouh dorh meih nyei waac-fienx a'fai gu'nguaaz nyei waac-fienx liouh taan bun doic. Nqoi nzuih bun nyei waac se sueih meih nyunc, aengx caux meih tiuv hnyiouv zorqv nqoi nzuih nyei waac nzuonx haaix zanc yaac duqv oc. Naaiv jioux waac se maaih mbuoz heuc bun hiuv taux laengz nqoi nzuih bun nyei waac. [34 CFR 303.7, 34 CFR 303.420]

Beiv hngangv maaih cam'laanh mienh duqv tengx liuc leiz goux taux meih nyei maengz yiem seiz zangc dungx funx benx "diez maac", oix zuqc dongh hnyiouv caux dengv sic goux fu'jueiv nyei mienh njiec lingc dunx ginv bun haaix laanh mienh horpc zuqc bun nqoi nzuih waac.

Meih benx diez maac nyei mienh, maaih leiz beu ze'buonc liouh bun hiuv taux laengz nqoi nzuih bun nyei waac:

1. Haaix zanc naaiv norm Early Start kou-gong gorn program maaih waac tov taux nqoi nzuih bun nyei gong, oix zuqc dorh yiem biauv longc zoux gong nyei waac-fienx mbuox daaih bun hiuv. [34 CFR 303.7]
2. Beiv hngangv zaah buatac meih ganh a'fai ninh mbuo goux mangc fu'jueiv nyei mienh mv maaih nyei waac-fienx nor horpc zuqc duqv zipv meih fiev sou nqoi nzuih bun ndaangc cingx haih dorh waac-fienx bun doic. [34 CFR 303.414, 17 CCR 52162(B), 17 CCR 52169]
3. Oix zuqc duqv zipv buatac meih fiev sou nqoi nzuih bun ndaangc cingx haih dorh fu'jueiv mingh dimv ndorqc mangc taux qiex zuqc haaix nyungc tengx. [34 CFR 303.420(a), 17 CCR 52162(a)]
4. Oix zuqc duqv zipv buatac meih fiev sou nqoi nzuih bun ndaangc cingx haih bun Early Start liuc leiz zoux haaix nyungc gong-bou jauv-louc tengx taux fu'jueiv. [34 CFR 303.420(a), 17 CCR 52162(a)]
5. Oix zuqc duqv zipv buatac meih fiev sou nqoi nzuih bun ndaangc cingx bun Early Start dorh beu heng-wangc sou-gorn nyaanh tengx zorc baengc, se gorngv buatac gauh zaanc, haih zoux bun hoic meih ndortv nyaanh gauh camv, jaa ziux hlaax ndortv nyaanh jaaix faaux, a'fai haih zoux hoic zuqc meih ndortv nyaanh guangc a'fai nqenx zuqc Medicaid pui-juang. [17 CCR 52162(d)]
6. Gorngv mbuox hiuv mv nyunc aengx caux tiuv hnyiouv haaix zanc yaac duqv oc. [34 CFR 303.7(c)] Se gorngv buatac meih nyei waac benx hngangv naaiv daaih, ninh

mbuo Early Start kou-gong gorn oix zuqc porv mengh bun hiuv taux haih bungx piatv haax nyungc gong tengx taux fu'jueiv aengx caux jaa waac mbuox meih hiuv taux ninh mbuo qiemx zuqc heuc meih zoux nqoi nzuih sou liouh zoux gong tengx fu'jueiv. [34 CFR 303.420(b), 17 CCR 52162(c)] Beiv hnangv meih zorqv siou nqoi nzuih nyei sou tuix nzuonx, ninh haih maaih dorngx nqaeqv taux yiem zinh hoz tengx taux nyei gong a'fai donv njiec tengx jjex daaih nyei gong.



# DA' 3 KANG: BIEQC LORZ LONGC DUQV ZAAIC & GEM MBUEIX WAAC-FIENX YIEM SOU-GORN

Early Start duqv dorh fu'jueiv nyei jienv sic waac-fienx faaux bieqc sou-gorn siou gem longx. Ninh mbuo tengx goux gem mbueix meih mbuox bun hiuv taux fu'jueiv nyei jauv-louc aengx caux gem longx huov jaa waac. Kungx maaih ninh mbuo tengx liuc leiz goux taux fu'jueiv nyei mienh duqv buatc naaiv deix waac-fienx hhangv oc.

Meih benx diez maac nyei mienh, maaih leiz beu ze'buonc bun:

1. Duqv zipv haix waac-fienx bun hiuv taux ninh mbuo hhangv haax goux siou fu'jueiv nyei waac-fienx aengx caux gem mbueix huov jaa waac-fienx. [34 CFR 303.404]
2. Doqc mangc fu'jueiv nyei waac yiem sou-gorn aengx caux tov aamx bun siou jjex. Meih corc haih tov heuc haax laanh mienh tengx doqc mangc fu'jueiv nyei waac-fienx yiem sou-gorn yaac duqv. Meih corc haiv tov heuc tengx zorc waac-fienx a'fai zorqv waac-fienx tuix cuotv sou-gorn. [34 CFR 303.405, 17 CCR 52168]
3. Tov heuc aamx fu'jueiv nyei waac-fienx bun goux siou jjex a'fai zipv muangx ninh mbuo porv mengh bun hiuv taux waac-fienx yiem njiec bida borm zoux gong nyei hnoi. [17 CCR 52164(b)]
4. Tov buangh caux Early Start kou-gong gorn dengv sic nyei mienh beiv hhangv ninh mbuo kou-gong gorn mv laengz tengx tiuv meih tov taux nyei waac a'fai mv tengx zorqv meih tov taux nyei waac tuix guangc. [17 CCR 52168(c)]
5. Bun dorh fu'jueiv nyei buon-sin waac-fienx goux longx aengx caux gem mbueix. Naaiv norm Early Start kou-gong gorn a'zuqc mbuox meih hiuv taux ninh mbuo hhangv haax lorz gapv zunv, goux siou longx, taan bun doic, aengx caux ziux Njiaaux Huov Jaa Hiuv Taux Maaih Leiz Beu aengx caux Doz-leiz Beu Buon-sin (FERPA) zoi guangc. [34 CFR 303.29, 17 CCR 52160(a), 17 CCR 52162, 17 CCR 52165, 17 CCR 52169]

## DA' 4 KANG: HLAUX NDORQC & DIMV MANGC

Liouh dimv mangc gorngv meih nyei fu'jueiv haih duqv zipv yiem Early Start kou-gong gorn yiem California tengx taux nyei gong nyei fai, ninh mbuo naaiv guanh njiaaux mienh nyei liouc siouv mienh oix zuqc buangh caux fu'jueiv, duqv hiuv zieqv caux fu'jueiv ndaangc, aengx caux dimv ndorqc mangc fu'jueiv ih zanc ndongc haaix. Naaiv guanh mienh se lemh nzoih Zorc Nzuih Gorngv Waac nyei Ndie-sai (SLP), Nanv Zorc Baengc Zingh nyei Ndie-sai (OT), Nanv Zorc Beih Sin nyei Ndie-sai (PT) a'fai da'nyeic nyungc baengc nyei ndie-sai. Yiem njiec dimv ndorqc baengc nyei ziangh hoc corc maaih leiz bun huov jaa hiuv taux maaih leiz beu ze'buonc ninh mbuo zoux haaix nyungc.

Meih benx diez maac nyei mienh, maaih leiz beu ze'buonc bun:

1. Bun meih hiuv nzoih yietc zungv leiz beu ze'buonc yiem njiec Early Start. [34 CFR 303.421, GC 95020(c), 17 CCR 52161]
2. Tov heuc meih dorh fu'jueiv bieqc bun dimv ndorqc liouh bieqc Early Start kou-gong gorn. Meih corc haih dorh waac-fienx bun yiem njiec tengx hlaau ndorqc nyei ziangh hoc. Meih maaih leiz beu ze'buonc bun njiec lingc dunx aengx dorh nqoi nzuih waac bun fu'jueiv bieqc zipv Early Start kou-gong gorn tengx nyei jauv-louc. [34 CFR 303.7, 34 CFR 303.420, 17 CCR 52040(d), 17 CCR 52082(b), 17 CCR 52084]
3. Fiev sou liouh nqoi nzuih bun ndaangc dorh fu'jueiv dimv mangc. Meih maaih leiz mbuox gorngv mv oix bun dimv mangc. [34 CFR 303.420, 17 CCR 52162]
4. Haaix zanc dorh fu'jueiv bieqc yiem Early Start kou-gong gorn nyei ziangh hoc bun dimv mangc nyungc baav gong yaac duqv oc. [34 CFR 303.321, GC 95020, 17 CCR 52082, 17 CCR 52084]
5. Duqv zipv haix yietc zungv dimv cuotv nyei waac yiem njiec 45 hnoi ziux haaix zanc zoux sou fungx fu'jueiv nyei mbuoz bieqc Early Start kou-gong gorn funx daaih. [34 CFR 303.310, 17 CCR 52086(a)]
6. Bieqc caux ca'laanhg gorngv taux dimv cuotv nyei waac. [GC 95020(b)]
7. Bieqc caux njiec lingc dunx gorngv taux fu'jueiv maaih pui-juang gaux aengx caux duqv zipv tengx taux haaix nyungc gong-bou jauv-louc. [34 CFR 303.343, GC 95014(a), GC 95020(b), 17 CCR 52082(a), 17 CCR 52104)]

Guoqv Zangc Hungh Jaa nyei doz-leiz aengx caux Saengv Zangc Doz-leiz heuc oix zuqc zoux ga'ndiev deix jauv-louc:

1. Longc yiem biau v gorngv yiem ndorm zinh nziouv hmuangx nyei waac dimv mangc fu'jueiv, se gorngv zoux duqv benx longc. [34 CFR 303.321 (a)(6)]
2. Se gorngv ninh mbuo fu'jueiv benx ganh norm guoqv zangc daaih nyei mienh a'fai fiuv fingx mienh nor mv dungx longc jauv-louc caux jaa-dorngx zoux waiv hoic zuqc ninh oc. [34 CFR 303.321 (a)(4), 17 CCR 52082(g)]

3. Horpc zuqc longc ndorm zinh nziouv hmuangx yiem biauv gorngv nyei waac liouh ca'laangh mangc taux huov jaa qiemx longc nyei gong, zoux haaix nyungc ndaangc, aengx caux mangc taux kuonx hnyiouv nyei sic. [17 CCR 52084(d)(4)]
4. Jaa-dorngx liouh longc zoux gong dimv mangc wuov a'zuqc ei jaa-nziouv mbenc ziangx liouh bun longc nyei buonc oc. [17 CCR 52082]
5. Dimv mangc nyei gong horpc zuqc bun ninh mbuo liouc siouv guai naaic nyungc gong nyei mienh tengx zoux. [34 CFR 303.321, 17 CCR 52082, 17 CCR 52084]
6. Beiv hhangv fu'jueiv m'zing waaic mv njiang, m'hormh ndung waaic, mbungv-dauz baengc, a'fai douc waac nyei sic nor horpc zuqc hiuv taux longc naaiv deix jauv-louc liouh dimv mangc taux fu'jueiv haih tengx duqv ga'ganh ndongc haaix aengx caux hlo hlang nyei sic aengx caux mv zeiz dorh benx sic gorngv ninh mbuo maaiv naaiv deix baengc nqaeqv zuqc. [17 CCR 52082]
7. Horpc zuqc dimv mangc nzoih yietc zungv buonc-sin jauv-louc [GC 95014, 17 CCR 52082, 17 CCR 52022]:
  - a. Mangc taux hnyiouv-zoih nyei jauv-louc – dimv mangc taux fu'jueiv hnamv taux nyei jauv-louc, hoqc hiuv nyei sic, aengx caux bun-jaiiv nyei sic.
  - b. Mangc taux beih sin zangc hlo hlang – dimv mangc fu'jueiv longc sin zangc benx hhangv haaix, caux longc buoz, zauz, buoz-ndoqv, m'zing, m'hormh, aengx caux maaih baengc nyei fai.
  - c. Gorngv waac douc caux doic nyei jauv-louc – dimv mangc fu'jueiv bieqc hnyiouv taux ninh mbuo nyei doic gorngv nyei waac nyei fai.
  - d. Zoux bun buatec taux gorngv waac caux doic nyei jauv-louc – dimv mangc fu'jueiv gorngv mbuox douc qiemx zuqc longc haaix nyungc tengx aengx caux hnamv taux nyei waac benx hhangv haaix; lemh jienv longc buoz wuv aengx caux longc benx da'nyeic nyungc jauv gorngv bun hiuv nyei waac.
  - e. Haih zoux sin puix zuqc longc – dimv mangc fu'jueiv goux taux ndorm zinh nziouv hmuangx gong beiv taux nyanc lai hnaangx aengx caux zuqv yienc lui houz, aengx caux,
  - f. Yiem zorpc seiz zangc aengx caux hnyiouv beqv suonc nyei jauv-louc – dimv mangc fu'jueiv zoux ei-leix caux ninh nyei doic aengx caux buatec zoux hnyiouv hhangv haaix.
8. Meih nyei fu'jueiv bieqc yiem Early Start kou-gong gorn nyei ziangh hoc horpc zuqc bun ninh mbuo ziux bouc dauh dimv mangc taux hlo hlang nyei jauv-louc aengx caux hnyiouv-zoih guai nyei bouc. [GC 95014, 17 CCR 52082, 17 CCR 52084]
9. Ninh mbuo horpc zuqc longx dorngx dugh gu'nguaaz aengx caux fu'jueiv yiem guenx nyei ziangh hoc liouh dimv mangc, beiv taux yiem biauv, lungh hnoi goux mangc nyei dorngx, biangh hun, sou-muotc dorngx, a'fai yiem lorqc njiec da'nyeic nyungc dorngx dugh buatec puix horpc ninh mbuo wuov. [17 CCR 52082(i), 17 CCR 52084(e)]

10. Ninh mbuo oix zuqc luic mangc taux jienv sic nyei waac goux taux fu'jueiv nyei sin aengx caux zinh ndaangc zorc baengc gouv-nyinh. [34 CFR 303.321, 17 CCR 52082]
11. Se gorngv buate ih zanc minc zinh nyei waac yiem sou-gorn wuov gaux longc bun bieqc kou-gong gorn nor mv zuqc ganh dimv mangc siang aqv oc. [34 CFR 303.321]
12. Ninh mbuo liouc siouv nyei mienh duqv hoqc ziangx buoz-dauh liouh dorh ninh mbuo hoqc daaih nyei jauv-louc tengx dimv mangc meih nyei fu'jueiv gorngv haih maaih leiz gaux bieqc zipv yiem Early Start gong-bou jauv-louc nyei fai. Beiv hngangv buate meih nyei fu'jueiv maaih leiz gaux nyei waac nor zuqc longc ninh mbuo gorngv nyei waac daaih njiec lingc dunx. [34 CFR 303.321]
13. Meih nyei fu'jueiv nyei pui-juang gaux bun bieqc Early Start tengx gong-bou jauv-louc se mv daan kungx dimv mangc nyei ndoqc nyungc gong dimv ndoqc oc. Naaiv guanh mienh oix zuqc mangc cam-nyungc waac-fienx daaih gapv zunv juangc njiec lingc dunx. [34 CFR 303.321, 17 CCR 52082]
14. Meih corc haih sienv bieqc caux ca'laangh mangc taux huov jaa nyei domh qaav, jienv sic zoux ndaangc nyei jauv-louc, aengx caux kuonx hnyiou v taux fu'jueiv guai hlo hlang nyei bouc aengx caux huov jaa qiemx longc nyei gong. [34 CFR 303.321, 17 CCR 52084, 17 CCR 52106]

# DA' 5 KANG: MBENC GONG LIOUH GOUX NDOQC NORM HUOV JAA

Mbenc Gong Liouh Goux Ndoqc Norm Huov Jaa (IFSP) se benx yietc zeiv sou duqv fiev ziangx gong liouh porv mengh bun hiuv taux sienv gong-bou jauv-louc benx jaa-nziouv tengx taux fu'jueiv nyei gong aengx caux huov jaa ziux ninh mbuo dimv cuotv nyei waac. Beiv hnavg meih nyei fu'jueiv dimv mangc benx daauh baan yiem Early Start, ninh mbuo a'zuqc dongx sin liuc leiz zoux yiem njiec 45 hnoi nyei bouc dauh ziux ninh mbuo zoux sou fungx taux liouh dorh dimv cuotv nyei waac bungx tong doic muangx aengx caux duqv njiec lingc dunx gorngv fu'jueiv maaih leiz gaux mi'aaq. Beiv hnavg buatac ninh mbuo maaih pui-juang gaux, naaiv guanh mienh oix zuqc tengx mbenc ceiz benx daauh baan nyei gong bun IFSP. Nzunc baav meih haih duqv zipv haix ninh mbuo dimv cuotv nyei waac ndaangc bieqc daauh baan ca'laangh nyei gong liouh meih zaah luic mangc ndaangc taux ca'laangh nyei bouc dauh. [34 CFR 303.20, 34 CFR 303.342, GC 95020(b), 17 CCR 52100, 17 CCR 52102]

Naaiv laanh fu'jueiv nyei IFSP a'zuqc bun zaah luic mangc yiem njiec norm-norm juqv hlaax nyieqc nyei bouc dauh [17 CCR 52102] a'fai gauh maqc se gorngv meih tov taux, a'fai beiv hnavg maaih sic dauh jauv-louc tiuv siang. Yietc hnyiangx zoux yietc nzunc IFSP liouh dorh mingh goiv yienc ninh mbuo dimv cuotv nyei waac tengx ndorqc mangc taux fu'jueiv hlo hlang nyei jauv-louc benx hnavg haax aengx caux bun liuc leiz tiuv yienc. [34 CFR 303.342] nzunc baav meih horpc zuqc zoux sou mingh tov heuc koi wuic yiem go jauv-bouc ca'laangh (gorngv yangh fonh a'fai yangh video), beiv hnavg naaiv norm Early Start kou-gong gorn a'zuqc dorng hmien buangh meih aengx caux buangh fu'jueiv yiem norm-norm 6 hlaax nyieqc nyei bouc dauh. Naaiv nyungc dorng-hmien buangh nyei jauv-louc maiv horpc zuqc longc benx jaiv nzie hmien waac gorngv taux zorv ngaih zoux nyei gong. [GC 95020(c)(2)(A)]

Liouh IFSP ca'laangh, meih benx diez maac nyei mienh, maaih leiz beu ze'buonc bun:

1. Se gorngv duqv bun IFSP ca'laangh liuz aengx caux buatac maaih jauv puix zuqc meih nyei sic, aengx caux longc yiem biauv nyei waac gorngv oc. [34 CFR 303.342, 17 CCR 52102]
2. Duqpv zipv haix fienv daaih mbuox bun hiuv ndaangc caux IFSP ca'laangh nyei ziangh hoc. [34 CFR 303.342, 17 CCR 52102]
3. Bieqc muangx aengx caux juangc IFSP ca'laangh. [34 CFR 303.343, 17 CCR 52104]
4. Guan ga'hlen deix huov jaa daaih bieqc caux IFSP ca'laangh. [34 CFR 303.343, 17 CCR 52104]

5. Guaan ninh mbuo tengx cuotv za'eix nyei mienh a'fai ga'hlen mienh bieqc muangx aengx caux juangc IFSP ca'laangh. [34 CFR 303.343, 17 CCR 52104]
6. Zipv IFSP ca'laangh nyei sou fiev benx meih gorngv yiem biauuv nyei waac [34 CFR 303.25] mv zuqc ndortv nyaanh maaz oc. [34 CFR 303.409, 17 CCR 52102]

Se gorngv oix longc IFSP nyei sou, meih benx diez maac nyei mienh, maaih leiz beu ze'buonc bun:

7. Zipv nzoih IFSP ca'laangh nyei sou duqv porv mengh bun muangx nzoih benx gorngv yiem biauuv nyei waac. [34 CFR 303.342, 34 CFR 303.404, 17 CCR 52102]
8. Nqoi nzuih bun zoux gong-bou jauv-louc fiev hietv yiem IFSP wuov. Beiv hhangv meih mv duqv nqoi nzuih bun zoux gong, ninh mbuo mv haih tengx liuc leiz zoux. Meih tiuv hnyiouuv haax zanc yaac duqv aengx caux gorngv mbuox mv nyunc duqv bun zoux naaiv nyungc gong se gorngv jhex daaih meih duqv lorqc doih bun ndaangc, a'fai fu'jueiv duqv jhex gorn zipv tengx ndaangc mi'aqc. Ninh mv maaih haax nyungc nyauv hoic taux da'nyeic deix gong tengx taux fu'jueiv oc. [34 CFR 303.342, 34 CFR 303.420, 17 CCR 52102]
9. Ninh mbuo jaa-ndaangc liuc leiz zoux naaiv deix gong-bou jauv-louc bun ndaangc mi'aqc (biev taux yiem biauuv a'fai lungh hnoi goux mangc) a'fai duqv haix porv mengh bun muangx taux weic laaix haax nyungc mv tengx liuc leiz zoux. [34 CFR 303.13, 34 CFR 303.344, 17 CCR 52106]
10. Dorh fu'jueiv nyei waac-fienx taan bun da'nyeic norm zoux gong nyei dorngx. [34 CFR 303.401, 17 CCR 52112, 17 CCR 52169]
11. Jaa-nziouv fiev sou bun zoux gong nyei dorngx a'fai zoux haax nyungc gong nyei mienh hiuv ndaangc ninh mbuo tiuv yienc gong-bou jauv-louc yiem Early Start. [34 CFR 303.421, 17 CCR 52161]
  - a. Tih mengh fienx mbuox a'zuqc hietv nzoih:
    - i. Ninh mbuo mbenc ziangx haax nyungc gong a'fai tiuv yienc,
    - ii. Weic laaix haax nyungc ninh mbuo mbenc ziangx haax nyungc gong, aengx caux,
    - iii. Beiv hhangv meih mv horpc hnyiouuv caux ninh mbuo liepc ziangx nyei gong (heuc "liepc gunv goux gong nyei jauv-louc") a'zuqc fungc zoux.
  - b. A'zuqc longc benx gorngv yiem biauuv nyei waac fiev naaiv zeiv fienx bun muangx. Meih corc haih tov heuc longc benx da'nyeic nyungc jauv liouh douc waac caux doic duqv oc. [34 CFR 303.401 to 303.421, 17 CCR 52161]

## DA' 6 KANG: CA'LAANGH LORZ JAUV CAEQV NZAANX SIC, LONGC BAENGH FIM LEIZ DUNX SIC, AENGX CAUX SAENGV ZANGC GOX SIC GUAIX TAUX

Yiem naaiv norm Early Start kou-gong gorn, ninh mbuo benx diez maac nyei mienh, corc maaih leiz beu aengx caux goux taux ninh mbuo nyei fu'jueiv haih duqv zipv qiemx longc nyei gong aengx caux caeqv nzaangx huov jaa kuonx hnyiouy nyei sic. [34 CFR 303.436, 17 CCR 52173, 17 CCR 52174]

Da'faanh haaix zanc meih mv lorqc doih caux naaiv norm Early Start kou-gong gorn nyei ziangh hoc, corc maaih cam-nyungc jauv bun sienv liouh lorz jauv-louc caeqv nzaanx mv lorqc doih nyei waac, aengx caux maaih leiz neqv beu ze'buonc bun. Yiem ga'ndiev deix jauv-louc liouh bun longc caux fu'jueiv hnyiang-jeiv buo hnyiangx daav njiec.

Meih benx diez maac nyei mienh, maaih leiz beu ze'buonc bun:

1. Tov heuc buangh doic ca'laangh lorz jauv caeqv nzaanx sic a'fai longc baengh fim leiz dunx sic yiem njiec haaix zanc meih mv lorqc doih caux Early Start kou-gong gorn paaiv gong zoux tengx fu'jueiv yiem Early Start nyei ziangh hoc. [34 CFR 303.430, 34 CFR 303.431, 17 CCR 52172]
2. Mbuox meih hiuv taux maaih leiz beu ze'buonc liouh zoux sou fungx bieqc gox sic guaix taux ninh mbuo a'fai tov heuc buangh doic ca'laangh lorz jauv caeqv nzaanx sic a'fai longc baengh fim leiz dunx sic. [34 CFR 303.432, 17 CCR 52172]
3. Beiv hngangv meih buatac naaiv norm Early Start zoux dorngc leiz a'fai muangh zuqc doz-leiz bouc pui-juang bun fu'jueiv a'fai zipv tengx taux gong-bou jauv-louc, zoux sou fungx bieqc gox sic guaix taux ninh mbuo oc. [34 CFR 303.434, 17 CCR 52170]
4. Tov heuc buangh doic ca'laangh lorz jauv caeqv nzaanx sic a'fai longc baengh fim leiz dunx sic yiem njiec haaix zanc meih mv lorqc doih caux Early Start paaiv gong zoux tengx fu'jueiv. Mv gunv gorngv ndaangc taux meih zoux sou fungx bieqc gox sic guaix taux ninh mbuo, a'fai longc da'nyeic nyungc jauv-louc zoux jienv sic yiem yaac longx, meih corc haih tov heuc buangh doic ca'laangh lorz jauv caeqv nzaanx sic duqv oc. [34 CFR 303.431, 17 CCR 52173]
5. Da'faanh buatac mv zoux ei nzoih longc baengh fim leiz dunx sic ziux lorqc doih waac, zoux sou fungx bieqc gox sic guaix taux ninh mbuo. [34 CFR 303.433(c)(3), 17 CCR 52170(b)]

# DA' 7 KANG: CA'LAANGH LORZ JAUV CAEQV NZAANX SIC

Ca'laangh lorz jauv caeqv nzaanx sic se benx cuotv hnyiouov zoux, mv zeiz hu hiaangv jiangv, aengx caux gem mbueix bingx gorngv sic nyei jauv-louc dugh lorz bu'ndongx-mienh daaih tengx meih aengx caux Early Start kou-gong gorn caeqv nzaanx mv lorqc doih nyei waac. [34 CFR 303.431, 17 CCR 52173]

Meih benx diez maac nyei mienh, maaih leiz beu ze'buonc bun:

1. Yiem njiec daauh baan longc baengh fim leiz dunx sic a'fai zoux sou gox sic guaix taux nyei ziangh hoc, meih corc haih tov heuc buangh doic ca'laangh lorz jauv caeqv nzaanx sic duqv oc. [34 CFR 303.431, 17 CCR 52173]
2. Da'faanh meih mv jhex eix bieqc caux buangh doic ca'laangh lorz jauv caeqv nzaanx sic nor mbuox tong ninh mbuo duqv hiuv. [34 CFR 303.431, 17 CCR 52173]
3. Maaih mienh guai mienh aengx caux benx bu'ndongx-mienh mv waengc haaix bung hingh sic. [34 CFR 303.431, 17 CCR 52173(c)]
4. Se gorngv duqv buangh doic ca'laangh lorz jauv caeqv nzaanx sic liuz aengx caux buac maaih jauv puix zuqc meih nyei sic, aengx caux longc dorngx dauh puix zuqc meih. [34 CFR 303.431, 17 CCR 52173]
5. Meih corc haih dorh da'nyeic laanh mienh a'fai tengx daav za'eix nyei mienh caux meih bieqc muangx ca'laangh. [17 CCR 52173(h)]
6. Goux longx naaiv deix buangh doic lorz jauv caeqv nzaanx sic benx gorqv-zeic gong aengx caux oix zuqc hiuv taux gorngv ninh mbuo mv haih dorh mingh longc liouh mbienh sic caux meih yiem njiec paaiv leiz ciangv a'fai dunx sic zaamc oc. [17 CCR 52173(j)]
7. Yiem njiec buangh doic ca'laangh nyei ziangh hoc corc haih duqv zipv sou porv mengh mbuox taux mv lorqc doih nyei dorngx. [34 CFR 303.431, 17 CCR 52173(i)]

Zoux sou mingh tov taux buangh doic ca'laangh lorz taux caeqv nzaanx sic wuov a'zuqc fungx bieqc bun taux:

Office of Administrative Hearings  
Attention: Early Start Intervention Section  
2349 Gateway Oaks Drive, Suite 200  
Sacramento, CA 95833-4231

Fonh: (916) 263-0654

Faekv: (916) 376-6318

## DA' 8 KANG: LONGC BAENGH FIM LEIZ DUNX SIC

### **Donv Sic Njiec aengx caux Longc Baengh Fim Leiz Dunx Sic**

Beiv hngangv meih mv horpc hnyiouuv taux haaix nyungc jauv-louc yiem Early Start kou-gong gorn tengx taux fu'jueiv, meih corc haih dorh mingh gorngv yiem IFSP ca'laangh wuic a'fai tov heuc buangh doic lorz jauv caeqv nzaanx sic. Se gorngv yiem njiec naaiv norm dorng h mv haih tengx caeqv sung sic, meih cingx zoux sou mingh tov heuc longc baengh fim leiz dunx sic. Meih corc haih duqv zipv taux fu'jueiv nyei dengv sic mienh, yiem deic jei nyei domh gorn, a'fai Deic Jei Mbenc Maaih Gorqv-zeic Hoqc Sou-nzangc Jauv-louc Yiem Buonh Deic (SELPA) zoux gong nyei weic tengx liuc leiz zoux naaiv deix gong. [34 CFR 303.430, 17 CCR 52172]

### **Weic laaix haaix nyungc meih cingx tov heuc longc Baengh Fim Leiz Dunx Sic**

Beiv hngangv haaix zanc meih mv horpc hnyiouuv taux fu'jueiv nyei pui-juang bieqc yiem Early Start kou-gong gorn a'fai gong zoux tengx fu'jueiv nyei ziangh hoc, meih corc haih tov longc baengh fim leiz dunx sic duqv oc. [17 CCR 52172(a)]

### **Tov heuc longc Baengh Fim Leiz Dunx Sic Corc Haih Duqv Zipv Nzipc Tengx Gong-bou Jauv-louc Mingh Mv Dangx Gorn**

Yiem njiec deng-deng longc baengh fin leiz dunx sic nyei ziangh hoc, horpc zuqc bun meih nyei fu'jueiv duqv nzipc zipv tengx taux gong-bou jauv-louc yiem caux Early Start ziux fiev ziangx daan hietv yiem Mbenc Gong Liouh Goux Ndoqc Norm Huov Jaa (IFSP), cih njiec meih ganh aengx caux Early Start kou-gong gorn domh nzoih horpc hnyiouuv heuc tiuv yienc naaic deix gong. Da'faanh meih mv horpc hnyiouuv taux naaiv deix siang gong-bou jauv-louc dung h mv gaengh duqv njiec buoz jiex gorn zoux nyei gong, meih nyei fu'jueiv corc haih duqv zipv yietc zungv gong yiem njiec IFSP daab dung h mv maaih dorngx fih nzaeng nyei buonc. Hngangv haaix yaac longx, se gorngv haaix zanc meih nyei fu'jueiv maaih hnyiang-jeiv buangv 36 hlaax nyieqc liuz, yietc zungv gong-bou jauv-louc yiem Early Start yaac zuqc juotc mueix aqv. Mingh wuov ndaangc hingv, fu'jueiv horpc zuqc duqv zipv tengx taux gong-bou jauv-louc yiem ganh norm kou-gong gorn yiem njiec jiex jauv nyei bouc dauh se gorngv ninh mbuo corc maaih pui-juang gauv bieqc naaic norm kou-gong gorn. [34 CFR 303.209]

### **Tov Heuc Longc Baengh Fim Leiz Dunx Sic**

Se gorngv oix heuc jiex gorn longc baengh fim leiz dunx sic siepv, horpc zuqc fiev sou fungx bieqc liouh tov taux Gorn Zangc Zoux Gong Nyei Weic Guvv Goux Taux Dunx Sic ei naaiv norm deic zepv dorngx [17 CCR 52172]:

Office of Administrative Hearings

Attention: Early Start Intervention Section

2349 Gateway Oaks Drive, Suite 200  
Sacramento, CA 95833-4231

Fonh: (916) 263-0654

Faekv: (916) 376-6318

Meih corc haih tov taux dengv sic nyei mienh liouh bun naaiv zeiv sou fiev mingh tov heuc longc baengh fim leiz dunx sic, lorz taux Early Start kou-gong gorn, a'fai bieqc lorz yiem domh gorn nyei website.

### **Gouv Ndorqc Ziangx Jienv Sic Ziangh Hoc**

Meih a'zuqc dongx sin zoux sou fungx bieqc tov heuc longc baengh fim leiz dunx sic yiem njiec yi hnyiangx bouc dauh ga'nyuoz yiem hnoi-nyieqc meih haix mv horpc hnyiou v caux Early Start kou-gong gorn zoux nyei jauv-louc [34 CFR 303.440(a)(2)].

Yiem ninh mbuo Gorn Zangc Zoux Gong Nyei Weic Gunv Goux Taux Dunx Sic duqv zipv meih nyei sou taux buoz liuz a'zuqc jien sin tengx liuc leiz zoux sung naaic baan si yiem njiec 30 norm zoux gong hnoi. Se gorngv meih mv lorz weic faan sic tipv mingh nor naaiv baan njiec lingc dunx nyei waac se dorngx mueix aqv. [17 CCR 52172(e)]

# DA' 9 KANG: SAENGV ZANGC GOX SIC GUAIX TAUX

## **Zoux sou fungx bieqc gox sic guaix taux**

Haaix laanh mienh fiev sou fungx bieqc sic guaix taux yaac duqv dugh a'zuqc bieqc nzoih mbuoz caux naaiv norm deic jei nyei domh gorn, LEA, a'fai saeng-eix nyei gong-mienh dugh duqv zipv Early Start kou-gong gorn dipc nyaanh tengx daaih nyei dorngx. Se gormgv meih buate naaiv norm Early Start kou-gong gorn zoux dorngc saengv zangc a'fai guoqv zangc doz-leiz nor corc haih zoux sou fungx bieqc gox sic guaix taux duqv oc. Da'faanh buate ninh mbuo ngaengc nzuih mv bun pui-juang gaux a'fai gong-bou jauv-louc, meih corc haih zoux sou fungx bieqc gox sic guaix taux ninh mbuo tengx caeqv nzaanx sic corc duqv. Ninh mbuo kungx longx ei Early Start kou-gong gorn nyei jauv-louc liouh caeqv nzaanx sic caux Early Start gox sic guaix taux nyei dorngx. [17 CCR 52170]

## **Lengc Jeiv Goux Nqaeqv**

Haaix zanc duqv zipv taux maaih sou gox sic guaix taux nyei waac, ninh mbuo Domh Gorn a'zuqc zaah dimv mangc nzoih yietc zungv jauv-louc. Ninh mbuo Domh Gorn mv guaih dorh fu'jueiv nyei buonc-sin waac-fienx mingh bungx tong yaangh se gormgv mv duqv zipv meih zoux sou nqoi nzuih bun ndaangc, cih cuotv ninh mbuo zoux gong nyei mienh yiem Early Start kou-gong gorn maaih haau-guaang bun nyei buonc waac. [34 CFR 303.432, 17 CCR 52169, 17 CCR 52170(a)]

## **Zipv Longc Mienh Tengx Zoux Sou Fungx Bieqc Gox Sic Guaix Taux**

Meih corc haih duqv zipv taux fu'jueiv nyei dengv sic mienh, yiem deic jei nyei domh gorn, a'fai Deic Jei Mbenc Maaih Gorqv-zeic Hoqc Sou-nzangc Jauv-louc Yiem Buonh Deic (SELPA), deic jei zoux gong nyei weic tengx liuc leiz zoux sou fungx bieqc gox sic guaix taux. Naaiv norm Domh Gorn aengx caux CDE corc haih dorh waac-fienx daaih bun aengx caux tengx taux nyungc baav gong. Ninh mbuo tengx cuotv za'eix nyei gorn zangc beiv taux Saengv zangc ceix gong goux waac fangx hlo hlang donc nyei mienh (SCDD) a'fai California zoux gong gorn zangc tengx taux waac fangx nyei mienh duqv mbenc ziangx tengx. [34 CFR 303.437, 17 CCR 52170]

## **Zoux Sou Fungx Bieqc Gox Sic Guaix Taux Yiem Njiec Haaix**

Fiev nzoih sou liuz bieqc nzoih mbuoz fungx bun taux:

Department of Developmental Services  
Attention: Community Appeals and Resolutions Branch  
1215 O Street, MS 8-20  
Sacramento, CA 95814

Fonh: (916) 651-6309

Faekv: (916) 654-3641

Email: [earlystart@dds.ca.gov](mailto:earlystart@dds.ca.gov)

## **Leiz Beu Ze'buonc Liouh Zoux Sou Fungx Bieqc Gox Sic Guaix Taux**

1. Maaih leiz beu ze'buonc bun meih duqv zipv dengv sic nyei mienh tengx liuc leiz zoux sou fungx bieqc gox sic guaix taux. [17 CCR 52170]
2. Meih corc haih dorh gorqv-zeic waac-fienx tipv daaih bun taux Domh Gorn liouh dorh mingh zaah dimv mangc sic dauh jauv-louc. [34 CFR 303.433, 17 CCR 52171(a)]
3. Ninh mbuo Domh Gorn horpc zuqc fiev sou dau mbuox hiuv taux setv mueix njiec lingc dunx nyei waac yiem njiec 60 hnoi ga'nyuoz yiem ninh mbuo duqv zipv haix meih gox sic guaix taux nyei hnoi funx daaih. [34 CFR 303.433, 17 CCR 52171(a)]
4. Beiv hngangv ninh mbuo Domh Gorn dimv buatac gorngv ninh mbuo duqv ngaengc nzuih dorngc taux tengx nyei gong-bou jauv-louc, ninh mbuo oix zuqc dongx sin mbenc zorc zuqc nzengc. Lemh nzoih a'zuqc jaauv nyaanh nzuonx bun meih dungx cuotv ndaangc cingv zoux naaic deix gong nyei nyaanh a'fai tengx goux mangc longx bun meih duqv zipv nzoih naaic deix gong-bou jauv-louc yiem zinh hoz. Ninh mbuo horpc zuqc goux heuc Early Start kou-gong gorn zoux naaic deix gong horpc bouc. [17 CCR 52171(a)]
5. Ninh mbuo Domh Gorn duqv caeqv nzaanx meih gox sic guaix taux nyei waac yiem njiec 60 hnoi ga'nyuoz mi'aaq fai se gorngv mv zuqc tov heuc longc baengh fim leiz dunx sic. [34 CFR 303.433, 17 CCR 52171(c)]
6. Beiv hngangv meih gox sic guaix taux nyei waac dongh nyungc sic caux dongh deix mienh yiem njiec dunx sic jiej daaih wuov, ninh mbuo Domh Gorn oix zuqc mbuox tong meih hiuv taux zinh ndaangc longc baengh fim leiz dunx sic bun meih muangx aengc caux a'zuqc zoux ei. [34 CFR 303.433, 17 CCR 52171(d)]
7. Beiv hngangv ninh mbuo saeng-eix nyei gorn zangc a'fai saeng-eix nyei zoux gong mienh mv zoux ei duqv njiec lingc dunx nyei waac, meih maaih leiz beu bun zoux sou gox sic guaix taux liouh caeqv nzaanx sic. [34 CFR 303.433, 17 CCR 52171(e)]

## **Zoux Sou Gox Sic Guaix Taux Horpc Zuqc Hietv Haaix Nyungc Zorpc**

Meih Zoux Sou Gox Sic Guaix Taux a'zuqc fiev benx sou-nzangc. A'zuqc fiev sou bieqc nzoih mbuoz porv mengh mbuox taux Domh Gorn, deic jei domh gorn, LEA, a'fai da'nyeic deix zoux gong nyei mienh hiuv taux duqv juangc caux Early Start kou-gong gorn zoux dorngc leiz a'fai zoux baamz leiz. [34 CFR 303.434, 17 CCR 52172(a)]

Meih zoux sou gox sic guaix taux a'zuqc liemh jienv:

1. Waac-fienx lorz duqv zaaic meih: mbuoz heuc, deic zepv dorngx, caux fonh namh mber. [17 CCR 52170(g)]

2. Beiv hnavgv tengx zoux sou gox sic guaix taux bun naaic laanh fu'jueiv, a'zuqc hietv fu'jueiv nyei mbuoz aengx caux deic zepv dorngx, naaic norm deic jei nyei domh gorn mbuoz, LEA, a'fai zoux gong mienh nyei mbuoz, porv mengh bun hiuv taux maaih haaix nyungc sic, aengx caux oix heuc hnavgv haaix caeqv nzaanx sic. [34 CFR 303.434]
3. Porv cing-mengh waac bun hiuv taux maaih haaix nyungc sic, hnavgv haaix cornz cuotv sic, aengx caux yiem buonh deic duqv dongx sin caeqv sic taux haaix bouc dorngx mi'aqc (beiv hnavgv maaih). [17 CCR 52170(g), 17 CCR 52170(g)(5)]
4. Zoux sou gox sic guaix taux nyei mienh mbuoz fungc heuc a'fai zoux gong nyei gorn zangc mbuoz heuc. Lemh nzoih deic jei nyei gorn zangc mbuoz, LEA, a'fai zoux gong nyei mienh. [17 CCR 52170(g)]
5. Meih a'zuqc dorh gox sic guaix taux nyei sou fungx bieqc bun taux zoux gong nyei gorn zangc a'fai haaix norm dorngx meih guaix taux wuov. [34 CFR 303.434]
6. Gox sic guaix taux nyei jauv-louc horpc zuqc yiem njiec yietc hnyiangx bouc dauh ga'nyuoz, ndaangc taux ninh mbuo Domh Gorn duqv zipv haix gox sic guaix taux nyei sou. [34 CFR 303.434, 17 CCR 52170(c)]

# DA' 10 KANG: GAPV ZUNV WAAC

---

Yie mbuo liepc hnyiouv hnamv ziangx gorngv naaiv zeiv sou-guv haih dorh duqv kuv waac-fienx douc daaih tengx taux meih hiuv taux leiz beu ze'buonc bun diez maac nyei mienh. Beiv hnangv meih corc maaih waac qiemx zuqc naaic, corc haih lorz taux ninh mbu Domh Gorn yiem lorqc njiec 800-515-BABY (800-515-2229) a'fai [earlystart@dds.ca.gov](mailto:earlystart@dds.ca.gov).

Zaah lorz mangc gorqv-zeic waac-fienx tipv aengx caux sou-daan yiem  
lorqc njiec:

[Lorz weic faan sic & Gox sic guaix taux.](#)

